

Na osnovu člana 32. Zakona o izvršavanju Budžeta za 2016. godinu („Službene novine Zeničko-dobojskog kantona“, broj: 02/16) i člana 151. stav (4) Zakona o socijalnoj zaštiti, zaštiti civilnih žrtava rata Zeničko-dobojskog kantona („Službene novine Zeničko-dobojskog kantona“, broj: 13/07, 13/11, 03/15 i 02/16), Zeničko-dobojski kanton – Ministarstvo za rad, socijalnu politiku i izbjeglice, raspisuje

**JAVNI POZIV
za finansiranje i sufinansiranje programa/projekata kantonalnih organizacija
i udruženja socijalnog karaktera, te udruženja raseljenih lica i povratnika
iz Zeničko-dobojskog kantona**

I. Predmet javnog poziva

Javnim pozivom prikupljaju se programi/projekti za dodjelu budžetskih sredstava namijenjenih za finansiranje i sufinansiranje programa/projekata iz oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika.

II. Pravo učešća

Pravo na dodjelu sredstava imaju kantonalne organizacije i udruženja socijalnog karaktera, te udruženja raseljenih lica i povratnika iz Zeničko-dobojskog kantona (u nastavku: *udruženja*) koja su registrovana u skladu sa zakonom na kantonalnom nivou, a koja imaju sjedište, djeluju, rade i realizuju programe/projekte na prostoru Kantona.

III. Namjena

Sredstva mogu koristiti udruženja ukoliko se njihovi programi/projekti zasnivaju na provođenju i realizaciji aktivnosti iz oblasti socijalne zaštite, zaštite civilnih žrtava rata i zaštite porodica sa djecom, promociji ljudskih prava, prava djece i osoba s invaliditetom, te raseljenih lica i povratnika sa naglaskom na socijalno uključivanje i zaštitu:

- lica sa invaliditetom i lica čiji je razvoj ometen u fizičkom ili psihičkom razvoju,
- djece bez roditeljskog staranja,
- odgojno zanemarene i zapuštene djece,
- lica koja su žrtve porodičnog nasilja i nasilja u zajednici,
- starih lica,
- unapređenje položaja i statusa raseljenih lica i povratnika.

IV. Sadržaj projekta i prilozi

Podnosioc programa/projekta je u obavezi dostaviti popunjen Prijavni obrazac br. 1 u kojem se potražuje i sljedeća prateća dokumentacija:

- Rješenje o upisu u registar pravnih lica kod nadležnog organa - ovjerena kopija;
- Identifikacioni broj - ovjerena kopija;
- Bilans stanja i uspjeha za prethodnu godinu – ovjerena kopija;
- Uvjerenje o izmirenim poreskim obavezama izdato od strane nadležne poreske uprave;
- Ovjereni bankovni račun uz potvrdu o solventnosti računa;
- Izjava da podneseni program/projekat nije dobio sredstva po osnovu konkursa drugih ministarstava Zeničko-dobojskog Kantona - ovjerena od nadležnog općinskog/gradskog organa;
- Dokaz o visini finansijskog učešća u realizaciji programa/projekta, iz vlastitih sredstava ili drugih izvora finansiranja;
- Sporazum o partnerstvu, ovjeren i potpisan od strane svih partnerskih organizacija ili institucija/ustanova u slučaju da će se program/projekat realizovati u saradnji sa više učesnika.

Vremenski rok trajanja programa/projekta je potrebno planirati u trajanju do šest (6) mjeseci, tj. u periodu od jula-decembra 2016. godine.

NAPOMENA:

Prijavni obrazac br. 1 koji nije popunjen u skladu sa Javnim pozivom i smjernicama iz obrasca, smatrat će se kao nepotpun i neće biti uzet u razmatranje.

V. Kriteriji za ocjenu programa/projekata

Opravdanost i prihvatljivost za finansiranje ili sufinansiranje programa/projekata podnosioca cijenit će se u skladu sa Pravilnikom za finansiranje i sufinansiranje programa/projekata kantonalnih udruženja, tj. na osnovu slijedećih kriterija:

- Značaj programa/projekata u doprinosu razvoja usluga socijalne zaštite, zaštite civilnih žrtava rata i zaštite porodica sa djecom, unapređenje položaja i statusa raseljenih lica i povratnika, prava starih lica i promociji ljudskih prava na području Kantona (inovatni programi);
- Potvrda udruženja o sufinansiranju programa/projekta iz sopstvenih ili drugih izvora;
- Sporazum o partnerstvu sa jasno određenim odgovornostima partnerskih organizacija ili ustanova u toku realizacije projekta;
- Saradnja sa drugim institucijama/ustanovama na realizaciji programa/projekata;
- Obezbjedenost ekonomičnosti projekta;
- Kvalitet izvještavanja udruženja za njihove programe/projekte ranije podržane od strane Kantona – Ministarstva za rad, socijalnu politiku i izbjeglice u okviru „Dječije nedjelje“, iz „Ostalih socijalnih transfera“ i “Podsticaj povratka izbjeglih i raseljenih lica“.

VI. Zajedničke odredbe

Prijava na Javni poziv, tj. popunjen prijavni obrazac br. 1 i prateća dokumentacija, dostavljaju se u zatvorenoj koverti Ministarstvu za rad, socijalnu politiku i izbjeglice, na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br.2, 72000 Zenica, Bosna i Hercegovina

sa obaveznom naznakom „**NE OTVARATI – po Javnom pozivu za finansiranje i sufinansiranje programa/projekata kantonalnih organizacija i udruženja socijalnog karaktera, te udruženja raseljenih lica i povratnika iz Zeničko-dobojskog kantona**“, kao i sa naznakom **naziva udruženja, podnosioca prijave**.

Javni poziv ostaje otvoren 20 dana, od dana objavljivanja ovog Javnog poziva na službenoj web stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac br. 1 se može preuzeti na www.zdk.ba.

Nepotpune i neblagovremene prijave neće se uzeti u razmatranje, kao ni prijave udruženja koja su imali finansijsku podršku iz Budžeta Zeničko-dobojskog kantona putem Ministarstva za rad, socijalnu politiku i izbjeglice u 2015. godini, a koji nisu dostavili narativni i finansijski izvještaj o namjenskom utrošku sredstava.

Sve dodatne informacije o načinu i postupku učešća u Javnom pozivu, mogu se dobiti u Ministarstvu za rad, socijalnu politiku i izbjeglice Zeničko-dobojskog kantona ili putem telefona: 032/460 688.